

“BABAI, ADTOY TI ANAKMO...ADTOY TI INAM” - Juan 19:26-27
(Ti maikatlo a balikas ni Jesus idiyay Krus)

PAKAUNA:

Naimbag nga aldaw gagayyem ken kakabsat. Ti maikatlo nga balikas ni Jesus idiyay krus kunana: “Babai, adtoy ti anakmo kinunana met iti adalan, adtoy ti Inam.”

TI TEKSTO/MENSAHE

Iti mapaspasamak ita nga HOME QUARANTINE, STAY HOME, LOCKDOWN, ken Enhance Community Quarantine gapu iti COVID- 19 ket maysa a responsibilidad iti tunggal pamilya iti agdama. Maysa nga dimteng iti tunggal maysa a mangamiris iti naun- uneg pay nga kaipapananna iti biagtayo ita. Ni Jesus kunana, “Babai adtoy ti anakmo.”....maysa nga akem iti Ina nga mangkita kadagiti annakna, agraman sibubukel a pagtaenganna nga mangiyadayo iti peggad ken pakadaksanda gapu ta addatayo ita iti World Quarantine. Masaludsodtayo ita, "Kaano ngata nga agsardeng daytoy nga PANDEMIC? Ania ti aramidantayo itan? Kakabsat, makasugat iti puso ken rikna dagiti madamdag, mabasa ken mabuybuya iti inaldaw nga adda agPositibo iti COVID, nga karaman metten dita dagiti agbalin nga PUI, ken PUM nga pakaammo dagiti Frontliners . Nga iti likudan metten iti kastoy ket panagbisin dagiti ubbing inggana nataengan iti mapagteng gapu iti panagkurangen iti taraon. Daytoy ti "Dangerous Challenge" kadatayo ita ngem kinuna ni Jahaziel iti 2 Cronicas 20::15- kuna ti Apo a dikay maupay wenno agbuteng a sumaranget iti daytoy dakkal nga armada. Saan a dakayo no di ket ti Dios ti makaammo iti pagbanagan ti gubat. Maikanatad la unay ita nga Home Quarantine a kumustaen ti kasasaad dagiti annaktayo/ pamiliatayo. Kumusta ti pammatida iti Dios? Kumusta ti salun- atda? Kumusta ti aramidenda iti inaldaw nga kaawantayo iti sidongda gapu iti trabaho? Nakaskasdaaw ti impaay daytoy nga killer virus iti lubong saan kadi? PagsAayaatan ken pagdaksan ti iyegna para iti panagbalbaliw. Kuna manen ni Apo Jesus, “ Adalan addayta ti Inam.” Kadagiti nagserbi nga FRONTLINERS nga Ina wenno Babai nga biktima iti daytoy nga sakit, naisakripisio ti biagda gapu iti panagserbi, panangagas kadagiti tattao nga saanda man laeng nga naasikaso iti usto ken nakitan iti maudi a gundaway gapu iti SOCIAL DISTANCING nga Protocol. Nagliday nga panunoten saan kadi?

Ni Apo Jesus kayatna nga iparikna ken Maria nga inana ti ayat ken pammateg idi nga iti maudi nga gundaway intalekna kadagiti adalanna iti responsibilidad iti panangaywan agingga nga mariknada iti panagpipinnateg. Isu nga ita ket strikto dagiti Senior Citizen nga agtalinaed iti uneg ti balay. Kas pamilla iti Dios iti agdama, kayatna a makita iti nalawlaw pay a panagtittinnulong. Saan laeng nga iti material a banag makita ngem ketdi uray pay iti panagkikinnararagtayo. Kas iti CORONA virus nga saantay a makita ngem napasas ti panagtrabaho na diToy lubong, how much more kakabsat iti kaadda ti Dios kadatayo nga ditay makita nga siguden nga nangted biag kadatayo ken agratrabaho iti lubong tapno rumingbaw ti kinaimbag para kadatayo? Ket kalpasan daytoy nga COVID- 19 ket CORONA TI BIAG ti intay maawat. Kas pammatalged manipud libro ti Salmo 46:1 "Ti Dios ti kamang ken pigsatayo, sisasagana a tumulong iti nariribuk a tiempo." Iti maikatlo nga balikas ni Jesus idiyay krus – “Babai, adtoy ti anakmo,Adtoy ti Inam.” Itultuloytayo ti agkarkarag para iti salun- at ti lubong tapno maadda iti Kappia! God bless us always.